

李中麓閒居集

李中麓閒居集詩之二

五言律詩

罷官抵家簡喬龍溪僉憲

出使昔東還，值君已遂閒。
罷休今日始，遲速十年間。
義社欣連榻，詞林共閉關。
高標吾所慕，逸駕許誰攀。

久雨

誰同酣菊酒，終日閉松樞。
坐活連根草，雨中
禾草
被

生者謂
之生活
立者生耳
榆山遊空負約水患不能無
禱雨曾多驗祈晴望却孤

歸休家居病起蒙諸友邀入詞社二首同
韻

仕途不作詞朝省日奔馳官罷非無興病多幾
不支秋來吾已健夜宴容相隨新作誰能唱
煩女教師

諸友俱能作如吾何所知強推為會長深媿不
相宜玉樹多悲調竹枝亦俗詞口占南北曲即

席付歌兒

冬日送喬龍山之任山西府屬

紫禁恩初沐青門路欲分馬衝三晉雪纒捲五
臺雲府幕新叅佐禮經舊有聞行行君慕古吾
敢怨離羣

寄樂安令郭玄池

除書下玉京飛鳥宰山城對善賢良策政成卓
異名吠虯無夜警驅犢樂春耕得衆真難事兒
童竹馬迎

寄鞏令謝慎菴

面洛人煙簇，堅城更背迎。
眼看庭訟簡，耳聽巷歌長。
獄草無人茂，棠花拂綬香。
愛民情最切，憂國意難忘。

寄洧川令申長白

申君長洧川，慈愛足稱賢。
捕盜遠離境，教民廣種田。
有呼書木牘，示辱用蒲鞭。
赤坂及西塔，登臨望若仙。

怪石

終年盤小徑何日別深山術有成羊妙子疑是

虎鬻竅風時送響衣草自生斑醉眼還能醒李德

裕有醒醉石聳身亦可攀

夾竹桃

堦下竹抽桃雨餘生意饒日留丹灼灼風散箒
簫簫鸚啄還疑葉鸞棲錯認條但能長抱節何

必太呈嬌

贈王敬夫秀才下第

難踏青雲路又歸白板扉空懷和氏璧且舞老

萊衣黑髮行將變素心豈久違
潛鱗湏水發塌翼待風飛

廢寺

山門盡日開殿宇滿莓苔
飛錫僧何往折梅客
不來水如聞梵樂羅尚繞
香臺回首成今古無

勞問劫灰

聞唐荆川演為七言律今其集中不載

秋夜狂吟

不復犯風江休官還舊邦
露蛩聲暗壁月鴈影
晴窓興發揮吟筆醉來卧酒缸
米狂今有二國

七媿無雙

賀林雉連舉二子

一麥已為瑞雙岐世所難歡聲騰里巷協氣滿
門闌蓬矢重重繫明珠顆顆圓徐卿生二子投
贈杜陵篇

廬地遠在山南有寺名曰雲山買以避喧
作詩紀實

賒得巖前寺只爭賣者貧燒殘楓樹火點出雪
花銀買主原施主中人即上人雲山無定價貴

在住閒身

醃辣芥

荒園手自鋤秋種幾畦蔬不熟名為饅多收醃
作菹酸鹹盈瓦甕香烈遠茅廬肉食非無味惟
茲味有餘

秋冬之交雨多未為不善也詩以喜之

秋盡雨迷漫三冬地不乾麥苗青出壠野水聚
成灘更得春前雪無愁分外寒年豈衣食足餘
力又輸官

計處古北口

塞却葫蘆峪出其意不防易如除草寇即可了
花當有備終無患殺降非不祥又須偷北日進
走勢倉皇花當一種為害甚鉅正統末年曾作
也先嚮導控弦之士不過三千營偷
盜北狄被其窮追中國若乘機塞峪伏兵
突起彼必授首不遑可免無窮後患矣

詠老翁二首

衰憊無筋力強行腰欲墮眼昏微見日耳蔽不
聞雷病齒難加飯老懷易感衰若能成大藥飛
步上蓬萊

倚杖朝遊懶擁衾
夜睡輕世情知冷煖
病骨卜陰晴
白髮何時黑
黃河有日清
人生難久矣
瑞頌不須成
古有上黃河清頌者又云人壽幾何何清難矣

鐻白

仕路矜年少
歸山久拂衣
里中新識少
眼底故人稀
鐻白吾曾戒
談玄世所譏
童顏能得駐
鶴髮自光輝

寄題務本宗賢旌孝卷

父服終三載
君心慰九重
旌書光魯國
華聞

播堯封無計長攀栢有時請掃松遙瞻金粟地
雨露動愁容

雨不歇

清明雨不歇二麥已藏鴉水符全生色蹊桃半
落花一朝辭帝里十載作農家進退吾皆適
皇恩詎有涯

題花封紀最

仙令今仙遊郎星曾福星郊壇時縱寫琴罷只
空遲九載歸來日萬民涕泗零河陽花久歇墓

草幾回青

寄贈郭似菴

鄉家齊魯東西鄙
遠從戎涸轍難求水
危巢願息風
塞翁今失馬
御史舊乘駟
聞畜羊三百
救還日却窮

暑雨

久旱况驕陽
出門如探湯
油然雲潑墨
驟爾雨敲窓
焦稼迴生意
風荷薦晚涼
地多懸望切
喜劇有如狂

范張二姬彈箏

豢養小雙鬟，搗箏特入玄。
鴈排金粟柱，鶴唳紫
絃絃。誤免周郎顧，音由
秦女傳。席前看指撥，纖
手更堪憐。

冬夜留吳客鄒太湖共酌

雲深門早閉，有客遠擔簦。
投刺勞相訪，登堂喜
不勝。高歌彈寶劍，暢飲對
華燈。海寇方猖獗，還
鄉恐未能。

聞倭寇殺傷山東民兵二首

詔下急徵兵東方選壯丁敗還功後殿師出乏
先毅魂返三齊遠尸橫四野盈千人非不惜祇
恐震留京

嘉定新迎戰東人死者多橋危難渡馬水漲礙
揮戈言者真無策授官欲請和英雄如季子無

計脫虞羅

鎮撫李季子最驍勇乘勝直逼戰船以朝上不能拒敵死馬是日共擄千

四頭領中多不亞王千斤者不但季子而已

山居

曆書非不到別是一重天一字無人識四時數

月圓草深尋路上山斷有雲連大隱居朝市斯
言未必然

遊山晚歸一韻三首

日夕牛羊下山村半掩扉樹頭群雀噪天際斷
鴻飛舉足生雲氣下弦減月輝門多投宿客問
主適方歸

林深稀過旅問路扣柴扉酒美人多醉天寒鴈
少飛村翁歌古調山月吐清輝已踐生平約成
名及早歸

山堂寥落甚敗壁久無扉野鹿時常下水禽不
遠飛殘霞收宿雨落日散餘輝却笑天涯客當
歸尚未歸

感興疊韻二十四首

歸興同張翰詩才媿陸機但能醉魯酒不必賦
緇衣風厲鷹偏疾禾收兔正肥呼奴招獵戶同
打北山園

陸地龍蛇走年前露殺機幼兒學擊劍新婦寄
征衣歲歎民多瘠雨滂菜却肥蘇淞兵困久何

耕重園

鷓鴣辭舊侶鷓鴣久忘機樹背無萱草何時戲
綵衣年來詩骨瘦雨後藥苗肥詩廢長親藥無
愁帶減園

國運當熙洽 君玉搃萬機求賢常旰食勤政
每宵衣早定江南亂永教天下肥藩籬俱撤盡
四海作周園

東床遶駙馬銀漢石支機照例頒天祿蒙恩賜
御衣一門叨 國戚三族必家肥畿服良家子

致身珠翠園

踈迂馬服子妖艷魚玄機
久矣為人笑宜其濺
血衣堪羞稱俊傑
只是愛輕肥老病駘腰甚虛
藏帶百圍

將門紈袴子誰是識兵機
燕女供歌扇越羅製
舞衣醉嫌金酒淡飽厭錦鱗肥
一旦承推轂宜
同垓下圍

仕路馳驅久不如早息機
友朋咸出祖妻子喜
擗衣心免浮名累身因戰勝肥
家鄉無限好水

逸共山園

更深重睡醒隣女尚鳴機斜倚青藜杖翻披白
苧衣夢蘄黃閣遠釣想白魚肥進退皆前定誰
能出範圍

村居雖寂寞喜脫俗人機白菊團新粉紅蓮墮
故衣風吹松子落雨洒豆花肥人捷馬蹄疾平
田可合園

行藏今半世不索問稽機慷慨嘆長鋏哀歌曳
短衣曾餐官鹿美今喜鱸魚肥豈但吾蒙惠

皇恩布九圍

舉世薰名利無人能識機
周章遭法網顛倒着
裳衣心苦緣多愁身安不在肥
澁棊逢國手誰為解其圍

哭笑由人役休同偶借機
且醺桑落酒更著芟
荷衣紫鱗迎寒壯黃鷄啄黍肥
粉香人寄我群妓競相圍

量洪方享福發弩本由機
夜宴纔安寢晨鍾催
着衣蓮莠霜殺落菰米露滋肥
古栢長千尺惡

擣不滿圍

南征還北討責在掌樞機殺氣旋油幕金瘡染
戰衣將無千里筭士少百金肥漢書百金之士十萬虜
雖潛遁寧波屢被圍

富貴還鄉日妻當早下機手中提寶劍身上着
戎衣能鼓三軍氣善調萬馬肥屢經青海戰立
脫白登圍

自識窮通理方能脫俗機陳情封短疏 賜告
返初衣無病休嫌瘦成家莫太肥惟耽歌與舞

花柳簇成園

姑嫂各登機，澗機共窄機。家居寧受冷，遠戍可無衣。戰士長枵腹，將軍乃獨肥。兵多得用少，十倍徒相圍。

兵法十倍則圍之

升沉難豫料，惟在善藏機。積穀防凶歲，晴天備雨衣。如或驕且吝，何貴大而肥。被戮防風氏，一腰澗十圍。

象占原有禁，祇恐洩天機。守斗移心火，下民兆鐵衣。閭閻貧到骨，官府視猶肥。數次平倭寇，敗

軍僅潰圍

夜深聲軋軋，隣婦織殘機。兒哭何曾哺，夫寒未
授衣。妻賢夫禍少，母瘦兒偏肥。每欲鄉村去，妻
兒左右圍。

日夜惟惟宴交遊，泯智機歌聲驚客座。香氣襲
人衣，園橘經霜就。溪魚墮釣肥，興風金不換舞
雪玉成圍。

省事還多事，心機是惡機。鳥鷲眠客枕，蠅污定
僧衣。土偶憐泥佛，秦人視越肥。魯連飛一箭，立

解齊城園

為樂休無度若虞自有機酸能消宿酒冷不厭
粗衣西子宮腰細東陽病骨肥扶衰觀楚舞蟬

斷脫腰圍

唐詩繼腰怕
束金鐲斷

哭母一韻三首

母亡今斷七秋色正凄清感時聞雁過問寢罷
鷄鳴徒抱終天恨難伸愛日誠違前風木響反
哺夜烏驚

陰晦何時霽朱明忽已更音容隨日遠魂夢每

官爲重託惟孤子所憂在兩甥遺言應不負庶
可慰生平

予年過半百兄弟嘆伶仃鏡裡朱顏改巾中華
髮盈久無題柱志祇爲倚門情親遊吾衰甚爲
累了此生

聞朝議將調邊軍備倭感而有賦一韻四
首

平倭徵壯士韃舍及遼陽南北原殊土馬舟各
有長前車旣已覆後患必須防八日揚么破誰

為武穆王

武廟何司馬葵心本向陽邊軍平內寇國計
非長致有輕中意只因決此防土方兵自是義
士又勤王

四夷通遠貢五位正當陽倭賊俄為亂戰艇乃
所長休輕撩彼毒急要厚吾防定陷囚車內蓋

稱海外王

倭酋備號
海外天子

夷狄隣諸夏猶陰之與陽貪難盈所欲叛每恃
其長累歲勤邊略一朝潰海防大君神且武

計日可擒王

春日賦事一韻九首

罷官年已久有計養家無畦內
新生菜園邊舊種榆穀名過晏子功烈陋夷吾
過眼雲烟散不如作灌夫

書讀需時用乘時志不無何年徵草莽
晚景逼桑榆隣舍更新主身心仍故吾
修名難得立回首媿非夫

冬來春去客路費有錢無笋出塔前
竹莢飛墻

下榆此間難着汝他處不如吾世後人情薄誰
為大丈夫

日長遊覽處清靜與虛無佛寺多蒼栢仙家近
白榆兵書傳圯上寶劍舞昆吾學道高年事酒
狂仍壯夫

社近神當禮晝長別事無竭誠陳芷藻祈歲祀
粉榆濁酒能留客碧山不負吾悠遊臨百歲爭
似長千夫

春鴻雲外過遠客寄書無裊裊沿堤柳紛紛夾

岸榆一身多疾病百藥強支吾榆柳堂中卧懷
人嘆老夫

客從絕域至鼓吹作歌無雲日明邊樹烽烟息
塞榆五兵藏武庫單騎走伊吾可奪三軍帥難
撓是匹夫

綠樹沿堤是紅塵半點無舊衣飛敗絮新火試
鑽榆謂爾還為爾惟吾不記吾王符譏世切著
論有潜夫

貧君詩思溢終日誦南無靖節惟我柳陽城餓

屑榆何時王
玉汝願作李
金吾自媿無
能甚空
空一鄙夫

地震一韻十首

地震連山陝
殘傷億萬家
室廬盡倒塌
骸骨亂

交加占必陰
偏盛占云地震
兆或政有差地方

地道宜靜而動
平生三老友
一夜委泥沙揚高

臣等不踐所致
禮韓都御史
邦奇馬

家全或失主
主在却無家
土裂火從出
山崩水

更加天時非
錯迂人事有
參差一望炊
烟斷風

吹滿目沙

萬姓已遭劫 宗藩亦破家
憂勤天語切 賑恤國恩加
朝政原無缺 歲行定有差
內安無外患 永不起風沙

一方搖一命 氣數係邦家事
驗千年遠法 須一倍加是則從
頭是差 還到底差 願天生虎將
萬里掃龍沙

天網從天降 不分積善家
民間差已重 額外賦仍加
效取千方少 基因一着差
昔年歌舞地 慘

淡月籠沙

雲開湧出月今夜照誰家轉徙繪難盡哀傷文

不加

語云文不加點

有誰為鄭俠獨自媿夫差不必重

傷感人生一聚沙

召災由吏致民歆訴官家痛哭情難達強行力
不加詎知千里謬原是一毫差掃斗筲星現推

占用撥沙

架薪難作家趁熟早移家雨必渾身濕愁從兩

鬢加盈虛原定數推算必重差

算有差法有重差法

世變

岸為谷有時水見沙

樓燕今無主忙忙衮衮喪家分爭難自保苦楚又
何加柱史疏疑過遣官勘不差夜來一失手親

友類搏沙

白詩親友如搏沙放手還自散

一城千萬戶祇剩一千家天地情何慘生靈禍
莫加貧為雙口累富只一肩差南北還交困胡
塵與海沙

三月念又八日同衆客遊危山

春暮集朋儔登山快遠眸三齊連魯甸千里望

幽州野市紛無已夕陽不可留
遊歸難盡興以

待更來遊

每歲是日開市男婦聚者甚衆

荅潘春谷書感賦

潘君氣最豪權貴等鴻毛
身廢談邊務家貧賣寶刀
才高人共忌憶別我為勞
報禮慚無物先投有木桃

哭子

三子相連喪晝號夜不寧
之無誰認字詩禮那傳
經珠失空揮掌鶴歸拾墮翎
醫愁難得效無

藥制顏齡

憂時事

置酒高樓上積懷鬱不開歲飢逢久旱雨小只
鳴雷遠報倭夷盛近聞野哭哀人多安攘策惟
我媿非才

望遠人

燕與人同去燕來人未來料應雙鬢改莫遣寸
心灰遠道書難寄離懷酒不開雲山迷望眼空
上最高臺

村會夜歸

朝來忽及暝遊讌遍園亭酒急客偷逸興闌歌
不停林梢華月上水面列星明健僕先馳報城
門且慢扃

田間詩三首後二首同韻

往歲苦行役歸來田舍客耕夫時讓畔野老與
爭席牛馬散平原鋤犁掛敗壁趨時非所長舍
此將焉適

但得儲餘粟何須食有魚門前無俗駕凡上只

農書酒盡開新甕燕來巢舊廬傳聞遠客至
堦
辭急難除

路險休馳馬水清難餌魚不墮塵世網
賴讀賢書
搥麥蒸新飯
鍊茅補敝廬
客來從笑語
不許及陞除

習靜

託病謝逢迎病從託後生
獨居塵慮少
火坐道心清
天矯凌龍鬣
聞綿蠻一鳥鳴
非無聞與見
禪定不為驚

哀姜園

園乃友人松澗姜子所治遊樂未久姜
遂捐館予過而傷焉作哀姜園

雙扉風自開三徑長莓苔園景還如昨主人不
復來詩牆多剝落石局半塵埃近事成陳跡何
須問劫灰

閒居

不有遠行客鵲聲虛噪簷古云鵲噪
行人至病多長煉

藥塵少也垂簾遠汲朝餐晚臥興午睡甜無愁

亦白髮日向鏡中添

家居學道

舉世歆名利爭馳車馬喧不才辭帝里多病
卧文園賴有三生幸獨窺衆妙門片辭能悟道
何用五千言

暑月夜遊憶舊韻十四首

候童半掩扉夜宴每逢歸月正清輝遠風輕暑
氣微談天口緊閉依日願多遠棄置甘吾分
狂任世譏

隣舍杜荆扉漁翁罷釣歸江雲偏愛蘄山雨自
霏微玄鬢年來變壯心運去遣有緣交里社幸
得不蒙譏

拜表扣天扉病衰乞放歸 詔許還東國謝

恩下紫微使臣今有禮能孝在無違報國惟忠
孝勿貽青史譏

入夜擎岩扉山中採藥歸雲開孤月出風送遠
鍾微施藥長無厭求文每有遠野醫吾所願文
出恐遭譏

依岩不設扉捷徑醉扶歸帶雨鷄鳴亂掠雲鳥
去微但教塵跡遠那顧世情遣不見魯宣聖猶
來沮溺譏

日夜憶山扉求歸幸得歸病沉鄉思切客久宦
情微身廢心無媿神留意不違勿矜多赤芾須
鑒古詩譏

心只戀朱扉口稱棄職歸無能摧玉壘何事問
金微國是全無忌子言惟莫違雖然當要路不
免諫垣譏

野鳥入柴扉不占主別歸近林鳥跡滿別院犬
聲微候月月遲出先天天不遑鷓鴣啼未已似
把路人譏

不歸不掩扉不醉不言歸酒助詩才速風吹酒
力微乍勤新僕好夕與故人違倒把接籬青兒
童也見譏

鐘磬響禪扉山僧受戒歸金龕佛像古寶
烟微但得禪心定從教夙願違結交方外
諂尔無譏

少在辭柴扉，宦遊皓首歸。征途雲裊裊，假館雨
微微。漸覺離京遠，行看與世違。輕肥原不愛，巢
父莫相譏。

黃昏斜倚扉，百回唱阮郎歸。地僻人踪少，院深螢
火微。興豪詩思湧，熱甚賞心違。有日遊方岳，豫
愁關吏譏。

顏壁夾瓊扉，疑容駟馬歸。傳禮家聲遠，為農生
計微。克勤將拙補，薄命與心違。雖少營家術，久

逃竊祿譏

編籬權當扉不礙白雲歸池小湛虛碧林長接
翠微嬾迎賓遠頌似與衆相違不避達官怒但
愁隱者譏

暑夜口占

馳暉三伏近鬱熱夜來偏火宅難安寢仕途幸
息肩鳥棲擇大木魚躍必深淵豈獨辭炎暑全
身不計年

積書省悟

多取不為貪詩書解性耽借抄先館閣

內書原
陳芳洲

奏請自南都移來共八十厨學以典籍後要代
不常因而據竊抵換存者無幾例許抄覽必先
其領狀以時繳納世所謂讀中秘書者是博覽
也今館中諸君不得如前聞只市書而已
及瞿曇譽望慚書麓李邕號文章效濟南李薦
南集若無真實行萬卷空談

自壯

彈缺食無魚吹簫樂有餘
文歲三尺劍空讀五
車書渭水權垂釣王門
耻曳裾潛蛟神物耳頭
角石時餘

憂時

五月行看盡鳴蜩久作聲猶然愆暑雨何以望
秋成白氣直衝斗針起心次直衝斗綠林昨弄
兵雖云成撲滅青州草寇楊子元天變不虞生

讀離騷

行歲隨所遇不必著離騷官大憂慙大才高名
望高才高人所忌官大禍難逃但得一山長何
須首六曹

聞復徵東兵責在無將也感而有賦一韻
五首

暑月急南征全徵六道兵團操原萬衆留守數
千名南國多殘破東人亦震驚他方非不慮急
為築章城

炎天難出征事急乃加兵仁者曾無敵出師貴
有名居人無聞惡戰士只虛籛城固猶難保南
方多不城

東賦已加征兩年三選兵賚予少實惠義勇只
虛名倭寇精神怯殘兵魂夢驚虎臣誰可仗萬
里作長城

兵強可遠征，債帥豈知兵。武備先文事，勇功無
智名。運籌千里應，拜將一軍驚。謀勇真難敵，無
城亦有城。

名將得專征，方為必勝兵。心惟舒憤恨，志豈在
功名。不被奸諛間，能忘寵辱驚。烟塵清萬里，聲
價敵連城。

伏日

年年初伏熱，今熱舊應希。童倦仍揮扇，客來即
解衣。風難驅溽暑，雲不蔽炎暉。試看林中鳥，高

棲憚遠飛

夏日即事寫懷十四首

賜告十餘載安閒後半生漸能知藥性久已悉
人情路僻塵踪斷雨晴暑氣清名高毀必集不
是愛逃名

廣成傳秘訣清靜乃長生素少世塵慮頗濃山
水情寡言如玉重一笑比河清長廟硜硜節不
求赫赫名

人棄我能取白圭善治生隱居方合意無物可

嬰清村亦同城熱河難混濟清片長無足錄深
愧負虛名

瞻彼龍門上孤桐半死生斲琴成古製雅調寫
幽情述矣塵氛隔冷然石澗清廣陵能續譜一
藝亦垂名

自媿漢三傑願為魯兩生遲遲無任意戀戀有
鄉情雨壁分中濕水壺徹底清願希司馬氏走
卒尔知名

胸中無鄙吝日日見黃生絕物原無意作人莫

徑情雲來山潑墨河決水分清處士今生分非
因敢盜名

禪師有苦行因得悟前生無慮亦無夢有生即
有情人間方鬱熱天下要澄清報主今無分忠
臣不潔名

嗜慾如能寡方稱善攝生歸農原夙志哭子乃
鍾情和靖為真隱蘇威豈詐清辭官群野老爭
席不爭名

仕途曾旅進勇退見平生倘遂雲霄志難移立

整情納涼臨北牖避熱卧西清且了身邊事不

干世上名

壽多因有疾

語云何有疾

縱愁最傷生實德無

能繼虛聲久過情兩山增淺碧玉井汲深清佳

景人多訪將因變姓名

道服寧違衆儒冠悞一生原無經世略非不近
人情設餌魚難上垂綸人太清自慚無實學何
貴有高名

禪心惟一定無徃亦無生張翰興歸思阮生少

宦情雲留花檻濕雨過草堂清伏熱無難度難
居是盛名

穴免兼巢鳥各歸依所生十年勤政意千里倦
遊情午熱浴南浦早凉到上清人閒成懶性花
落不知名

熱蒸花自炫人靜草偏生紫府建官占青山亦
世情無非隱者地要作聖之清年馬隨時應人
生無定名

中伏熱

中伏連朝熱果然初伏無掃庭仍汛水煉藥怕
臨爐兢浴滿溪澗行踪斷路途惟予猶自可心
靜體清癯

六月十五日

中伏今三日無風熱更強懶避防觸暑禪定自
生涼趁樹頻移榻迎寢暫着裳詩詞聊罷會河
朔共傳觴

立秋日作一韻十六首

夏雲猶變態秋色已塗林覺有微涼意陡寬畏

熱心疑聞雲鴈映却是水龍吟節換人歸未相
思與日深

一朝辭 帝輦十載卧園林有負凌雲志空懷
捧日心弘農休坐嘯澤畔正行吟三伏欣纔盡
五雲望自深

秋涼時到郭避熱借禪林入定吾忘我真詮佛
即心深山無犬吠高柳有蟬吟閒上觀音閣夜
來水月深

裴旻身遭廢只因著語林不談時禁事共保歲

寒心對酒長酣飲閉門莫苦吟嫩涼生樹杪秉
燭坐更深

作意辭朝貴特交支道林雲烟忽過眼時序
每驚心隻蝶隨花戲一蟬抱葉吟莫云終夏盡
由此漸秋深

江中看後浪雲外露前林無復騫騰志試看見
在心提壺爭勸飲促織候秋吟仕路息情久世
人屬望深

夜來朱夏盡秋意薄平林晚
拚頻驚夢早砧已

碎心長歌塞上曲不和郢中吟吹動秋高興滅
胡恨轉深

材豈明堂用區區愧鄧林濁流堪濯足茅屋久
安心立見賓鴻至愁聞蟋蟀吟門閒秋草長坐
久落花深

座中無俗客雅會有詞林月館堪容膝水亭可
醒心雨苔階下滿風竹檻中吟月上詩方就人
歸夜已深

身雖離魏闕名幸廁儒林傲物休青眼待人推

赤心棋高無對偶詩速不呻吟久靜羞干謁侯
門似海深

宦久懷鄉土鳥飛戀舊林百年如撚指萬事捨
灰心秋熱科頭睡晚涼抱膝吟名傳青海遠家
住碧雲深

杜甫憐才意深悲李翰林畏途惟累足世事可
寒心休賦昭君怨聊為梁父吟幸而容致政謫
竈亦恩深

傷弓鷙避鳥投宿必高林可奪三軍帥恃將一

寸心寺曹魯吏隱山水助豪吟學道超三昧為

詩得四深

釋皎然云詩有四深謂體勢作用聲對義類也

棲息一枝足何須慕上林無能酬夙志莫得苦
機心通國皆齊語居鄉不越吟吾才猶短綆汲
井不能深

縱鱗非湍水寧翼遠風林慎密今歲舌佯狂昔
病心渴喉長獨酌涼景費清吟避事堅辭客草
生一丈深

千林纔落葉梧葉首千林叵奈悲秋思詎知伏

撫心晚山饒逸興秋水引長吟樂事言難盡閒
居歲月深

立秋後作一韻十四首

祛暑新涼至耳聞俱好音蟬聲時斷續秋色半
晴陰吹笛聲相應敲棋手捉襟衝雲群雁唳傍
砌一蛩吟

乍晴心目豁正可試清音珠露溥叢葉商風散
積陰禪琴成別調洒泣欲霑襟且賦閒居賦莫
吟遊子吟

人世何為貴長生，秩德音惟予。孺老大過隙，嘆
光陰讓坐先華髮。以儒冠稱素襟，前妻久已喪。孤
負白頭吟。

耕釣吾儂事行歌，治世音漁舟泊水。次敗耒委
墻陰湧出風雲氣如飄，天女襟眼前真景物急
切不能吟。

空谷無人跡，蹙然聞足音。良朋傳信至，遠地太
情深。夷虜兵臨塞，英雄淚濕襟。軍情今若此，愁
極只孤吟。

退居隨在好祇是少知音竹圃千鍾祿

渭川千

人當與二

千石埒

桑田十畝陰有身不佩印散髮且披

襟爭羨冥鴻舉不為別鵠吟

北虜南倭寇東人獨笑音早苗多隙地老栢少
繁陰對戶山如礪園林水作襟一愁還一喜不
廢撚髭吟

雨久寺遊少許時想梵音秋初欣得霽天際又
浮陰人靜塵疑榻熱餘汗滴襟蚊多難假寐兀
坐聽蟲吟

耽遊非不美，勤學起微音。
藝莫誇三絕，居常惜寸陰。
天涯無候簡，良友久分襟。
雲物望中變，湖山好處吟。

乘涼琴可撫，太古有遺音。
泉溜半岩響，槐敷滿院陰。
因而抒素志，予以解頰襟。
古木聞猿嘯，高梧有鳳吟。

世情珍俗曲，莫遣亂仙音。
恥飲貪泉水，不棲惡木陰。
悲歌多義氣，拘促少脞襟。
誰得還誰失，自嗟復自吟。

相招同隱逸良友惠佳音拜表辭黃幄讀書趣
綠陰鳥情欣水木猿性強冠襟遺貴身心穩安
貧首尾吟

延客為嘉會滿堂盡賞音賡詩方白戰醉酒卧
清陰博陸齊呼采樵免暫解襟鐔前分戲劇詩
就共謳吟

對局賓皆北賦詩悉古音辭章出晉右名姓託
碑陰拂祇堂中榻唱酬淡上襟綦因一著錯詩
對會家吟

南園小集

小圃荒蕪久剪除一徑通疎松高覆屋密竹自成叢景物無他異冠裳幸此同坐來忘主客真率古人風

十月朔日祭瑩畢偶述

迎賓能健步役僕尚高呼傳世猶無子允宗賴有吾冬穉今日始心與舊時殊合祭經先隴因之百感俱

十月望日遊遠莊迴

晨興巾帶罷日爛海東紅木落半岩瘦禾收四
野空亟歸猶恐晚傳食媿無功愁裏時光速况
當十月中

城南暮雪

南墅今重到天寒歲已窮雲濃將雨雪日暮更
無風浙瀝初鳴竹續紛漸蔽空冰霜豎晚節松
栢碩相同

雪夜有客過訪

剪燭生寒焰吹簫咽凍音素華混月色白紵向

風吟扣戶客覩急下掌人跡深相携欣入座濁
酒不停斟

十二月七日復大雪六首

十歲九祈雪今冬雪應辰貧民思挾纒遊客濕
綸巾京國難遙望冰山作近隣久棲寒谷內何
日發陽春

白占釣魚灘
浹旬閑釣竿
朔風過塞北
凍日隱
雲端洒處沾
沾濕飛來片片寒
詞林有雅會不
必效袁安

雪花應候飛左右故相依到手吹還散凝眸望
愈微輕搖班女扇細點謝郎衣莫惜紅爐墜有
時被日晞

窓白宵疑曙花飛冬似春真聞岐路塞漫道廣
川堙氣結成鹽井風吹起玉塵歲寒微志士知
白是何人

窓外白皚皚光分玉鏡臺池邊消欲盡風裡聚
還開孌孌輕無力紛紛細若裁園林花滿樹何
樹是真梅

風來寒厲厲何日帶青陽積雪平鋪練疑冰類
截肪小齋時偃仰只此是行歲舉世誰知味閒
中味最長

雪夜不寐二首

白壁照千嶂冰花洒滿空明多欺皎月勢急舞
迴風破夢驚宵柝多思及曉鐘冬殘寒較淺不
日度春鴻

纍綴壓枝重繽紛到地輕因風飄曲牖帶月照
虛楹菊酒延春色蘭缸助夜明愁多難假寐擁

被待鷄聲

正月七日雪夜對客作

能噤花遲發終飲不醒寒團下佛晚膳菜甲滿
春盤迎氣從今始豐年自古難雪多豐可必觴
客罄交歡

雪劇道逢田獵者

獵徒收兔置歸路阻而差曷霧瓊英亂隨風玉
樹斜挽迴青帝駕故逼艷陽花虞濕酒旗捲逢
人問酒家

春日雪宴用妓佐酒

雪宴聚名姬，旋教春雪詞。
歌喉雜鳥弄，舞態湧蛛絲。
樂歌呵纖指，軒明映玉肌。
烟花聊寄興，良友莫相疑。

雪中有感

雲端潛鬪日，林下又新年。
冰解春聲動，牕虛曉色編。
峰巒同削玉，原隰共平田。
雪落如官罷，風吹不上天。

雪後有感

暖融春雪後莫忘歲寒期班怨題紈扇墨悲在
素絲調高應寡和白雪不能緇名利場中客冰
山能幾時

上元夜值雪

客歲非無雪上元雪有情逐風著物潤伴月助
燈明善解吟喉熱能令病骨清登樓聊引望烟
火滿春城

雪晴二首

雪晴花自發羯鼓慢催花春色先桃李燒痕露

門使者催請上道雖長欲為伴不可得
矣飛潛各自有時目前且喜其歸聊以
是詩見情云

謝子富經綸京鄉早乞身林泉喜有伴兵賦屬
何人約日遊東嶽終宵禮北辰里中稱逸叟天
下仰名臣

贈劉次禹秀才

劉生從我遊荏苒十春秋重寶難輕售明珠莫
暗投債逋何日了貧病有時瘳勤學寒窓下公

車行見求

贈少菴弭來夫

弭子吾姻姪交親自早年鄉闈曾屢試學舍已
三遷授業朝群聚讀書夜獨眠弟兄能苦學三
鳳待齊騫

春日臺集憶唐荆川有序

曩予有詩二句煦日花間轉光風草際
迴自謂尋常不足觀荆川獨愛而誦之
丁巳春宴客城南臺上風景適與詩合

遂足成一章兼及荆川據誦詩之日迄
今二十五年矣再加此數則人各八十
上下未來事安得而知之道遠別久撫
景興思此詩亦情不能已爾

臺近古城隈出城即上臺雨餘園景麗客至野
筵開煦日花間轉光風草際迴遙思唐太史何
日共銜盃

十月村居遇雨與李龍塘胡胡山馬峯亭
并弟繼先相守數日得詩三首

十月不沾塵來年莫問辛

田家占以元日得辛
亥辰一分初十日十分

以遠為貴故云十月路上不沾塵休問來年幾
日辛又云堂前十月注注水不怕來年一日辛

雨聲隨處是麥色望中新積日成殘歲微風應
小春親朋欣笑語不覺忽淹辰

亂飄霜葉落疑是雪花飛晝日忽昏黑遠山失
翠微繁聲喧石壁朔吹透書帟人跡雨中少何
須更掩扉

吾弟知農務諸君捨善文連朝能聚會冷雨久
續紛文妙無過熟農收只在勤斯言須記取天

草芽壯心思射獵衰鬢滿鉛華冰泮增新水環
流處士家

雲霧散長空詔先處處同風來不自北斗轉已
朝東新雪應難久堅冰漸覺融農人交勸成及
早即田功

清明山行值雪二首

雲垂不作雨風起霰先零峻嶺微添白芳郊難
踏青鵝毛看細細鶴髮助星星冰結鞦韆索十
年今再經

山前紛掃墓今日正清明疑是紙灰亂原來雪
片輕花開非舊色野哭半新聲不為躬春祀山
程無此行

楊東江書報得女

孕後多奇夢書來驗却殊此時雖設悅明歲必
懸孤厚德衆推爾不才誰似吾長年十有二子
女尚然無

秋日有懷拒山田希古

仲秋葉漸黃撫景憶田郎好畫真成癖吟詩喜

欲狂十年無訊問萬里隔封疆目斷南雲遠心
隨北鴈翔

贈謝少溪有序

少溪負經濟才歷任中外藉藉著賢聲
年五旬餘以兵部亞卿提督京營已而
廻佐本部又陞戶左衆方望其登台踐
斗志與道大行於天下乃上疏乞休雖
林下有高賢而仕途失一良臣矣抵家
之日予即候而問之曰生才主用乃天

之道君子在田豈世之福哉今官階已
崇特簡在即胡不少留以副衆望况
去應休年例不但十餘年少溪曰將以
官為家耶無奈何病體欲養鄉思難遏
藤交甕牖雲冷石林野鶴失羣洞猿無
主久矣又幸得以與君為伴時行時止
閒居樂自有餘予因戲之曰林泉清福
向為區區所雄據者今平分與兄矣然
公道在人心重名溢人耳行見蒲輪及

霽各離群

初冬感述

十月初旬後節遲始立冬、虹藏不見跡、蟻聚欲
培封觸事增新慨、感時改舊容、近年倘得嗣差
可慰情悰

寄致政梁玉菴內翰舊嘗從子學

才高人共忌、志大命多違、鷄舌香仍在、龍頭事

已非

選庶吉士

試

卷曾經

廷試

御覽

聖上

為師

吾有媿罷吏、汝同歸、宜酒惟魚膾、相將買釣磯

寄崔平橋舉人近從予學者

歷下文人窟君才不可當
埃時登甲第爲我重
門墻落筆多奇思
探囊試異方不徒工舉業
兼吐漢文章

題高廷重城南別墅
墅有水碾磨及藏修
室廬二首

城南樓息處觸目景多奇
池靜沉雲影林深掩
日規閒編今樂府
愛讀古歌詩名利人爭慕
此心曾不移

風激水成音，天然太古琴。
輪飛霜葉舞，春急浪花侵。
此是浮沉態，難撓清淨心。
更有修真室，深藏竹木陰。

送謝龍盤應貢入太學二首

材貢東州美，文章絢彩霞。
循資登監冑，善作大方家。
折贈長亭柳，還看上苑花。
衝星龍劍氣，不日遇張華。

君才人不先，謝氏况多賢。
獨步稱希逸。

謝莊字希逸表

液稱為江東獨步

能詩擬惠連，仰攀仙桂後。
爛醉菊花

前雌伏無多日鵬飛不待年

贈車小村秀才二首

庫序重生非徒守一經
文詞能妙絕醫藥更
專精齊國稱才士謝門有令甥
只今年尚少器識自養成

家世本儒門讀書不憚煩
終年長閉戶鎮日懶
窺園濟衆施良藥謀生願
小村凌風有律翻萬里
早飛翻

贈月溪溫節推

公庭人不喧聽訟刑無繁早擅三齊譽能伸六

命有致死一家六命子容處事審字子容蘇頌

京推官歐陽公審若水得官尊錢若水推同州日

稱其處事精審若水得官尊錢若水推同州日

之二年中遷計日蒙徵取致身在諫垣

贈清渠霍克深秀才

清渠吾益友早望作元魁豈意年今長猶嗟時

未來人推脩行檢士重富文才材大雖難用終

當出草萊

題世續樓有序

武城袁生舜問其曾祖居百尺村因建
百尺樓祖父有百世三世二樓相傳共

四世云

俯臨千里流雄構有飛樓閉戶雲迷榻開簾月
上鈎十年勤紙筆四世紹箕裘恃有丹梯在雲
程無足憂

端惠王輓詩

河間流厚德文藻憶陳思葬地獲金粟霜天墮
玉芝空然遺劍舄久矣罷琴碁奚啻宗藩惜

齊城同一悲

贈門人田子濯秀才

昔年初受業朝暮屢于過吾教參乎少汝言賜
也多邇來惟務實不日掇巍科豈但文章妙知
音善雅歌

贈醫士王靜菴

擇術希廉伯輕財比宋清病人思欲起遣僕競
相迎製藥微存性豁痰大得名奇方吾亦有兼
可濟蒼生

送王綉川秀才夏月入勞山訪廣陽師

六月尋師去向曾，畏遠途俗塵臨海斷暑氣入
山無獻果猿紛至，投林鳥亂呼道成冲舉日知
爾不忘吾

寒食南莊宴李九河馬南冶魏東臯李

胡川黃孔村李龍塘胡胡山諸客作

歌舞出妖童，邀賓場圃中。歌筵留落日，舞袖趁
東風。堤柳煙難禁，蹊桃火自紅。鞦韆來野婦，蹴
罷首如蓬。

清明日雨至夜少霽已而復雨且聞祭墓

迴有哭聲者共二首

清明今日雨車馬滯村坊深閉鞦韆院難登窺
鞠場半天飛絮濕滿地落花香二麥必多獲酣
歌喜欲狂

遙聞野哭悲主客暫停危哀樂難同調陰晴無
定期月外方半鏡雨細忽如絲鬢髮添新白花
紅仍滿枝

謝少溪園與張栢巖夏賢山共四同年賞

牡丹分韵賦詩予得看字

名園實牡丹詩酒久盤桓葉裊青然佩花擎赤
玉盤芬芳盈綺席爛熳出雕欄酒共同年醉詩
留異日看

初夏江上送李九河携借書還鄴三首

江頭送客行景物最關情春去鶯花老雨頻燕
麥成雲山橫遠色風水感離聲濟郡多文士西
歸第一程

借書日不虛為我善藏書豈但三車富還過萬

卷餘 賢王多問學遣使甚勤渠書去勞門客
抄時正魯魚

攜手乘江離離歌催解携麥風千頃浪梅雨一
天絲吾志終爲爾君行何所之達人如問及多
病日迎醫

再同衆同年在于園賞牡丹仍限韻賦詩
分得謹字

題詩仍限韻繼賞在吾園白戰停歌扇清香撲
酒罇近看偏艷麗久坐到黃昏歲歲花開日相

携此避誼

贈良醫李少鶴

醫厚緣多病李醫志不同
聞貪貧者利綽有古人
風採藥過山後懸壺在
市中塵心吾已淨良劑
易為功

送羅國山還慈谿因訊陳閑山慈谿近被
倭寇殘害閑山獨免昔年同為吏部郎
有文才子嘗比之陳仲衆仲衆名旅蓋
元儒之出色者也

避寇遊東國即為人所知真能經世務不但富
文辭間里多殘破親知久別離倘逢陳仲衆道
我日相思

再用前韻懷呂東匯東匯早負才名善談
吐有膽略受知於羅峯張相國遭謔中
廢後以平倭有贊畫功陞通政使仍舊
致仕予之改吏部雖遵巖王子薦之亦
由呂子能聽之懷之為其人非私之云
爾

物望曾來重上公早見知風生有幹濟泉湧善
言辭武略能超絕文光更陸離遷未實用海
內繫遐思

賀西亭宗賢生子

驚喜得賢嗣九兒未可同嬉嬉時一笑炯炯現
雙瞳長大傳家學恢宏有國風名高已足貴貴
復世王公

送安軒張僉憲由武定兵備陞山西少叅

分守冀南道

才優事屢更在處著賢聲此去司錢穀昔時備
甲兵刑嚴除盜跡法恕近人情會見蒲關政遙
從武定成

八月十三夜樓集

樓高豁遠睥夜宴最宜樓明月看將滿洪河不
斷流重遊擬後夜多病恐先秋加攝兼良藥殘
生無復憂

遊近城小園

雨後步難行草深路不平田園皆負郭廬舍近

鄰城久定飛蓬跡厭聞啄木聲薄遊猶自懶靜
坐得吾生

具江劉鳳鳴秀才喜其逢而惜其去也詩
以送之時正暮秋二首

萍水偶相值知君非問津好遊久作客抱藝耻
干人驥足何特展鵬翰有日伸惟吾長已矣乘
耒與垂綸

相送大江濱江花殘不芳若逢花艷日來看草
玄文雅志真超絕惟談偉聽聞棄繻年正少是

亦一終軍

雨中祖居請衆客陪蘇雪簑書先母墓文
陰晦連三日山中釀早寒澆愁村酒薄撫背客
衣單飛霧低迷樹細流注滿灘墓文揮洒罷杖
淚雨中看

遙賀 趙王壽六十歲十月初六其降辰
也

北海敬華筵南山祝壽篇禮成千歲節時正小
春天兔搗長生藥爐飛不斷煙一陽從此始甲

子遊相旋

遊百脉泉一韻五首

水勁無過濟脉泉更著名不霜清見底漱石寂
無聲顆顆如珠碎沄沄比鏡平不能容小艇只
可濯長纓

景物東南勝泉佳不可名池清能照影風激始
聞聲逸寺流還細過橋勢與平卜居無定所此
可解塵纓

四瀆同歸海伏流濟擅名隱淪宜此地經濟愧

塵聲聞世風斯下令人氣不平如聞隣里鬪救
亦不冠纓

高名何足貴漁父可處名池上垂釣影灘頭撒
網聲一輪山月小千頃暮雲平簑衣雖是草不
欲換簪纓

一丘新隱姓百脉舊嘉名時有山獐下長聞水
鳥聲林居有足樂世事不能平北虜南倭寇何
人為請纓

荅遠書相問

萬里馳書札不辭道路賒問予何所事感客情
難加蒸局稱無敵文章媿大家老農勤稼穡只
此是生涯

季秋晦日作一韻二首

眼見春花飛回頭秋葉稀風光駒過隙身世鳥
忘機漁隱無榮辱官高有是非可憐寒已逼方
去搗寒衣

木葉不停飛菊花霜打稀秋高悲肅景官罷免
危機歸去于今是追思覺昨非天涯無遠客不

必寄征衣

先塋冬祭畢謝陪祭諸客

歲歲勤冬祭，今冬風日嘉。
竭誠神可格，得助禮無差。
樹未全凋葉，菊猶半戴花。
炙牲滿注酒，酬客慶年華。

初冬夜與客賞菊

得魚罷釣竿，華月出雲端。
甕煖酒新熟，籬寒菊未殘。
乘閒長宴客，有筆蚤辭官。
花底陶然醉，夜闌興未闌。

憫老

莫恃年方少少年能幾時
性心猶未遂華髮忽如斯
水下流偏速日斜影易馳
勿談傷感事人老易生悲

憫貧

獵獵朔風急街頭吹倒人
有衣不掩體無粟甕生塵
溫室寧知臘華堂別貯春
豪華絢綺子難以語貧民

贈良醫時杏庄有序

時杏庄醫名曹濮久矣頃因陳月山來
章始道其詳病人延致者日無虛謝病
裁杏者歲有增也陳子已有詩贈之矣
時子不可獨遺也遂亦有此作

時子因陳子醫名徹與吾山中行採藥市上坐
懸壺爰杏十餘載成林數百株孰棊獨有癖君
術豈能驅

寒食依岩亭讌客兼觀蹴鞠鞦韆二戲三
首

酬節聊陳席山亭聚友生
隻飛初見蝶百轉喜

聞鶯風雨知寒食

荆楚歲時記云冬
至後一百五日有疾風甚雨
謂之寒食

林泉薄宦情無明有業火不向道心生

榮木華初吐矢挑火欬燃千門皆插柳萬竈不
飛烟冷節真佳節老年憶少年病餘仍藥餌熱
食且從權

蹴踘兢當場鞦韆飛出墻身輕風滾絮足疾射
穿楊鄉俗吾同樂任途爾自忙不尤人不錄何
至火相戕

暮春遊城東水村四首

奄忽今三月東村始一遊到門皆異景結駟有
同儔花發迷三徑水分作兩洲塵纓久可厭趁
此濯清流

為愛風光好不愁日月徂花殘鶯已老竹籜燕
將雛觸目俱詩朴置身在畫圖平泉雖不逮愚
谷或相如

人間百事宜遊衍暮春時縱得官崇品不如酒
滿卮燕泥沾墜絮蛛網掛遊絲祇恐花飛盡東

風且慢吹

夙興星未落久樂日將低
風暖花香細春深草色齊
浮萍初出水郁李自成蹊
無處驅歸騎路荒醉眼迷

春陰二首

天氣久氣氳山川望不分
雨垂魚已噉南子霧
暗雁迷群懶出天邊日最驕
頭上雲可憐花薄命未嘗落紛紛

不見艷陽天雲濃陰氣偏
客稀苔獨茂人倦柳

同眠考擊沉鼙鼓吹彈咽管絃麥黃穀未播
望是登年

春晝

日永焚香坐滿爐古篆灰黃鶯鳴不已紫燕去
重來雨後花含淚風中麥結胎登樓代出戶曲
檻久徘徊

春夜

寶鴨香初泛銅龍點漸加睡輕聞雨竹情重惜
風花無語梁間燕未啼城上鷓春宵太寂寞歌

枕待朝霞

春愁

乍寒還乍暖難攝病中身掛綠知無日踏青強
探春風吹花色淡寒勒柳眉顰愁思如芳草雨
餘種種新

春望

寂寥人獨立瞻悵客同遊飛絮漫天下落枕逐
水流眼昏猶戀闕足疾強登樓回首難堪處
春歸不可留

春泛

橫波搖遠天，雲影落杯前。
避網魚翻浪，忘機鷗近船。
殘桃花片片，新荇葉田田。
遊客笙歌沸，春風亦費錢。

贈陳道人尋得其師崇陽

忽跨青牛去，驚聞白馬譚。
玄非能尚白，青本出于籃。
大道聞皆笑，真詮不易探。
歸來師自有，何事日三參。

楊升菴狀元以草字詩見寄，依韻奉答。

吾棲在何所大東更向東書將藏洞府劍不倚
崆峒月照新紗幘燭殘舊絳籠此時方憶汝詩
草忽相通

附升菴原詩

中麓何山隱青丘太岳東藏書侔宛委問道即
崆峒鸞鶴烟雲駕烏蟾日月籠相求天路迥惟
許谷神通

送長洲主簿張子陳之任

君去勿徘徊嚴程花正開行看飛蓋遠莫厭巨

觥催梅獨真，但吏親之有吏才。東吳權佐縣，
踰漢廷回。

輓外祖母

佳城從此閉，客舍幾時開。駐景苦無術，逝波竟
不迴。爲生寧得似，過死更堪哀。螭原古雅冠裳，
在將來化作灰。

輓外祖母

花落烏啼罷，桐摧鳳不來。堂前無白髮，堦下有
蒼苔。春盡閒春閣，夜深寂夜臺。空餘賢德在，忍

聽輓歌哀

齊東送外祖喪途遇大風

十年三度此此度獨傷神計節將臨夏狂風不
似春軒車集舊壠柳絮逐飛塵追往增新慨况
予多病身

携家衆齊東送葬由船路迴四首

山童始識船濟水逆流旋魚逝驚簫鼓鳥鳴雜
管絃送迎如仕者情興減當年何似遊方士一
身無所牽

千花眼底明一葉浪中輕行疾樹難辨倒懸岸
不平忽聞童輩唱混入棹歌聲結網吾生懶羨
魚空有情

風前目力微水色映斜輝望望來無際滔滔去
不歸魚穿荷葉亂燕掠浪花飛不是問津客漁
翁莫見譏

執紼匆匆出舟迴景色新臨流花照面避餌魚
潛身賈客閒中客漁人物外人相逢同一笑雲
水樂天真

壽雲峯王母

曉日麗瑤池春風醉玉卮彩霞仙服製繁露絳
珠垂重降今王母再生古女師八旬已是壽千
歲以為期

懷許石城舊寅長

文光耀上台曾作大元魁家盛官因罷名高幾
自來山中溫舊紫花下醉新醅選部相前後惟
予最不才

槐林東城舊寅長

東城敦樸士講學日無虛客死三千里人生四十餘俸金惟數兩家具不盈車丹旒離京國清風溢里閭

挽舊尹祝靜菴

遊燕學有源宰邑政無煩桃李陰猶密桑麻惠尚存當時稱國器垂老竟王門青塚山川迥無由奠一罇

中秋月食一韻二首

中秋夜正寒天際駕青鸞有物如相撲無端半

已殘蟾華忽盡沒
魂魄莫由看
後後仍堪賞
此心自不安

往年夜雨寒雲裡
暗翔鸞豈若今
番毒蝕餘猶似
殘鼓鍾喧不已
冠服拜還看
肅埃光全滿
憂心半得安

書寄臨桂直齋屠尚書

我家秦嶽東君在大荒中

左思賦出乎大荒之中

相距山

川遠幸然道路通
含洪宰相度
尤直古人風
萬里相聞問辭窮
意不窮

挽陳東阜舊刑部

病沉捐館舍夢斷失鄉園

東阜原在京流寓光州

肉譜既

遭火腹笥亦不存

東阜存日火焚藏書樓于嘗以書慰之曰書樓雖火腹笥

猶存絕絃空墮淚觀劍暗銷魂望祭城南陌雲長

日易昏

莫春迴軍鎮道中簡劉後峯

往返歷迴軍草深花吐芬馬牛紛蔽野鷺鷥聚
成羣社鼓喧春晝山鍾下夕曛匆匆難訪友短

劄特相聞

仲夏携家過城東諸村

塵市苦拘留東村暫一遊三苗猶未茂

謂藪黍稻三苗

二麥已微收巨戶晝長閉

畏盜及債主催租者

縲車夜

不休雖携家室樂忍見閭閻愁

懷伊鈍菴一韻二首 鈍菴初姓趙改復

為伊嘗尹予邑有惠政云

不急繩難斷隨宜絃屢更從伊新復姓為尹舊
知名隻鳥同鳥至一琴伴鶴鳴華階從此始不

日位公卿

交誼丘山重別來歲月更一官猶踰蹇此自屬

歷任揔聲名宰邑昔三善驚人今一鳴莫須輕

去國千載效虞卿鈞菴曾示以歎就閒之意予後書勸止之

贈遠小峯畫士

恃藝重其身餘長在罵真閉門常謝客鬧市有
閒人道踏吞聲哭問問到骨貧煩君精妙筆好
為繪流民

村况

垂柳不成行能將茅屋蔽道傍施藥餌宅後事

耕桑序坐驚年邁閒居覺日長興來乘短棹無
復賦長楊

謙客不至抵暮仍具東奉速

早起飭庖厨謙遊事竟孤蛩聲喧砌草蟾影上
庭梧虛席無來客馳書復代吾百年駒過隙不
樂胡為乎

庚申仲秋月復食

客歲中秋月食多不忍看今宵還若此達旦竟
無權忽失山河影空餘風露寒慵眠難就枕獨

立莫憑欄

謝四溟自趙府惠書與詩附使酬謝即

用其韻共三首末首兼及鄭虛舟

和易脚隨衆端方迥異常高才不小就良賈必
深藏賦為悲秋作歌還子夜長知音曾朗誦一
一中宮商

詩為時所尚貧乃士之常帝側無人薦王門且
自藏書來千里遠勢結百年長相憶難相見空
悲參與商

賢王常禮士近事出非常

風聞趙王薨逝不明
詔遠輔導及彰德

府官靈運非徒作留侯却善箴

四溟以遊客惟
司文墨寄食箴

身不與
府事

詩能兼衆體史必擅三長鄭子君同志

賜非不及商

附四溟詩

誰是風騷侶今聞李太常
賞音無遠近作者見行箴
齊瑟正聲轉燕歌悲調長
秋來桐葉下千里動清商

過齊先夫墓感舊有述

墓前檜栢陰手植已成林舊役僕夫老足占歲
月深生前爭識面身後服其心過此不勝感况
聞隣笛音

因客問述往事有序

客有罷官已久尚追恨當時考功不得
調督工不霑恩者向予扣其所以予乃
林下散人不欲聞此久矣客亦因善鑽
刺至此有難於答速其既去而告之留
坐者曰昔予出吏部後貪風猶未熾俸

門猶未開奔競之習猶有所顧忌而未
敢肆然已有講攘槍之說如昔人所謂
一官而三人共之者也吏部若用司屬
必采擇素有名望者人以得吏部為榮
不則怨慕終其身然自唐時已然觀其
詩曰作意嫌工部專心望考功誰知脚
躡蹙又落粉墻東工部郎多有加四品
服色者腰金而後携一兀前擁雙藤然
猶在司督工見者不知其孰為正郎孰

為京堂也有三童謠洋溢九衢馬前凌馬
後方腰下黃督工郎郎不郎堂不堂工
未了一般忙滿街棍京堂泥工部忙吏
部困予因客問而憶往事因往事而增
新感恐其愈久而遺忘之矣遂筆而存
之又繼之以詩譬之僧已受戒尚論民
間事婦既被黜還為夫主憂其亦可笑
也已

咄咄左書空官休志不終爭為今士病讓少古

人風華省何相外粉牆又落東督工當日事謠
口出黃童

贈伊鈍菴有序

十年前鈍菴以遼陽僉憲過其舊治章
城予同衆鄉士夫郊外送別去繼陞少
叅仍在遼陽再陞憲副兵備薊州乃以
邊事誤累謫遷尚未選補大司馬虞坡
楊公薦其才且屈旋復憲副又兵備德
州七月後仍在邊上防秋辛酉春正夜

將半忽有扣門者傳稱有上官過訪夢
中驚起知為鈍菴舊縣主也披衣出迓
入而張燈暢飲擊節雄談誦其舊作無
非邊務軍情天猶未曙即欲啓行喜其
臨而惜其速也即席贈以是詩

兵司仍舊秩冠服更巍裁十載送君去三更再
我過軍中賡鼓吹塞上賦鏡歌燈下承相示令
人感慨多

賜谷初舉人旦遠從予學於其避席首問

勉以是詩

自知踈且庸深媿遠相從
妙在能新得不徒步
舊蹤未明雞喔喔
旭日鴈啞啞
趁此長勤學無
勞嘆不逢

靜齋李儒士就學於其表兄董溪溪在章
旬餘日一疾不起將返葬燕門詩以挽
之

少年今客死
返葬路迷漫
飛旒經霜淡
遺藁蔽
雨殘才堪登仕籍
命止一儒冠
囊有雄文在
傷

心不忍看

贈燕都劉西坡

多半百年身惟于棋客親
不言幾失子勵志恥
求人編曲青燈下卜居綠水濱
閑閑深有意門外即紅塵

送錢塘尹張鳳臺

名譽出人前長髯壁若仙
才元非百里徵豈待
三年試看居鄉重足知
案邑賢興繁迎謁暇猶
不廢鳴絃

張龍岡用謝四溟韻惠詩作此酬謝

君久官崇品予先罷奉常相知頻往返不復計

行箴服恨三年短

三年之淹制雖有限心自無窮

名還萬里長

憂中冗有作音調不離商

附龍岡詩

寰海文章伯東山李太常聲名馳已久林壑漫
深歲許國丹心在憂時白髮長倘舒調化手千
載見虞商

有懷郭良山通政作詩奉寄二首

日高破早寒北望一憑欄料爾揮吟筆惟予把
釣竿燕齊為道遠李郭共舟難憶昔同朝日威
儀覩漢官

為愛郭銀臺名高有異才朝中方顯達林下即
歸來日落閒門閉風吹絳帳開有人行所學歲

歉不為災

董涇溪管及山
之吾章值歲荒旱
無字有其所學行
以

安

撥悶二首

書已焚封禪道經滿石函歲修期有得名利不

王三集卷之五
須談扣角歌齊相閉門效魯男莫愁鬢髮白居
近菊花潭

不媚臺賢薦不憂里少欺夢遊多舊景靜數少
新知田廢徵求急歲凶老幼悲賑饑無異策撥
悶強題詩

鞦韆

索垂畫板橫女伴鬪輕盈
雙雙秦弄玉箇箇許
飛瓊俯視花稍下高騰樹杪平
出遊偶見此始
記是清明

蹴踘

堪為蹴踘場選地綠陰旁遠近憑那趁低昂善
寸量穿騰鷗對泛那趁在脚根對泛在騰拂背
雁回翔惡少居鄰舍莫教過短墻

投壺

雅歌陪俎豆祭遵為將雅歌投壺雖華宴奏笙
簫客引軒車避主將壺矢邀倚竿非偶中帶劍
乃奇驍負者翻歸怨壺偏矢不調

傀儡

仕途終日忙，傀儡登場刻木形。相似牽絲態，轉狂郭生能。譚譚鮑老舞，郎當戲罷渾如夢。追思已杳茫。

打毬

安基齊燕尾，如射中鴻心。柄過窩難掛，毬輕體却沉。得來手撲棒，妙處線穿針。勝負俱休論，忘情歲已深。

詳見拙
九集

圍碁

拂枰欣著碁，閣筆懶題詩。興發邀賓急，思深落

子遲縱橫堪遣日勝敗不移時仕跡如基蹶危
機不自知

角敵

爭雄誰擅場技力兩相當鼓震雷聲遠旗翻日
影長錦標如得奪奇雋可為償亦弱原非弱好
強必遇強

琵琶

馬上傳來久絃中指法難激音因急撥緩調為
輕彈籟響迎風樹珠投承露盤閒人聞妙曲雖

飽亦加餐

笙

音屬春王月能催萬物生
妙惟王子晉更有董
雙成滄海驪龍咽高岡
彩鳳鳴躁心聞即釋身
世在蓬瀛

笛

遠舍有紅裙笛聲迥出群
落梅與折柳裂石更
穿雲幽咽風中斷淒清
月下聞家居猶不忍有
友尚從軍

水盞有序

水盞即響盞體厚重而底窪削以銅為之以小銅杖擊之音如雲璈製如淺酒盃魯乞於魯王蒙不峻拒并惠之書曰樂盞一副傳自先王特割愛相贈人言即詩與史所謂擊缶者釋文謂缶為瓦器今所得者器有異耶抑傳者訛耶

賢王愛最深贈樂比南金揭調盈人耳和聲悅

客心初疑雲雁唳又似水龍吟搏擊堪消日莫
愁白髮侵

簫

音在人難善善音世未知願隨簫史去莫效子
胥吹鳳翼翼參差列猿聲斷續啼遊人猶墮淚
婦可勝悲

琴

材以龍門美嶧陽亦有名及真為樂長
代身義所性

反其天真乃

因爨脫餘生秦楚絃中變

李龜年開禁知

衆樂之長也

然余先既又楚声扣之彈
者曰先醜西而後揚州

風濤指下驚不堪聞

貴耳只可悅閒情

瑟

中黃勿得犯各半濁清絃

瑟二十五絃中一黃絃象君君勿得犯故

雖設而不彈去十二朱絃屬濁清濁相間而成音臨水魚驚聽

叢臺鳳舞旋諧傳惟百葉

願未齋嘗出諧一葉相示曰此乃真傳

其過百而多不百而少者非真也音寂已千年

瑟絕可惜世無知而後之者

自取歌而絕誰為鏗爾賢

磬

置磬吾棲所鬻僧手自携有心曾擊衛告糴又
如齊慄疾晨鍾發輕清夜漏淒長安名利客鄉
淚幾行啼

篳篥

篳篥以空中得名又以亡國之音因為空
侯乃空國之侯所好也吳兢樂府解題
曰漢武祀太乙命樂人侯調依琴作坎
楊升菴以為命侯暉未知孰是義取坎
坎應節侯蓋以姓冠章云十四絃二十

三絃二十四絃李知幾及樂府錄其說
不同如此善於彈撥者晉有師延唐有
李憑其器與譜不至淹沒者今幸有曲

沃李季和云

篳篥非雅樂他樂不能過好爾能亡國勸公無

渡河

夫有渡河者妻追之不及夫溺死妻傷之
篳篥歌公無渡河歌畢亦投河死麗玉傷之

作篳篥

引浮聲鏗碧玉沉響激清波古譜今仍在知

音世不多

畫角有序

角原軍中噐戍樓多有之徃徃聞於星
稀月落之餘天曙霜飛之候自古詩人
備述邊聲戰苦乃後不止關塞雖腹裏
譙樓間亦有用之者音哀而遂無甚轉
折其辭不過為君難為臣難難之又難
兩三句而已然感人却不淺世皆謂吹
角其實吸氣滿腹底口始得出聲下長
而潤上加一哨桶用桐木取其體輕易
舉予嘗蓄三五具有欲聽者命壯僕時

一為之客無不動戚容者

五更轉欲盡寒角動高城月下增長嘆風中噓
斷聲思鄉空墮淚久戍不勝情莫論邊關上邑
樓猶厭聽

鐘

鑄人備與息功德豈相殊警夜應須有考辰不
可無登歌稱雅樂振旅作靈符耳罷景陽韻廿
年別帝都

鼓

王尊且莫效輕易過雷門鼉吼三搥後鳳鷲五彩繁祗知秋社好不聽早朝喧再倩催花手携朋樂酒罇

胡笳

雨雪已霏霏征人猶未歸曲更新出塞

李延年因胡笳

舊曲更造新聲以為

夜奏解重圍

劉崑為胡騎圖數重乘月

登樓奏胡笳虜因懷土之思棄圖去

凜冽胡風惡淒涼漢月輝

口吹蘆葉捲眼看梅花飛

胡笳亦有吹有彈

篳篥

龜茲

音丘慈國名

悲栗樂名改到如今

原名悲栗失今改筆

記曾胡部只知是漢音調高
驚客夢聲慘動人心
新戍猶之可離鄉有歲深

挽右川康太守

為郎名已傳出守更稱賢
北郡猶西郡

初知太原府後

保定右川作逝川
虎符何所在
熊軾久高懸
循吏堪為傳
須煩太史編

冬月明水鎮送右川康太守葬回暫憇玉

泉寺是日晴暖

倦來憇比立東鎮送康侯釋子登牆看老僧下
榻留水寒傷馬足日暖脫狐裘預擬陽春曲明
年再此遊

寄石州州判逮西墅原從灤州改任

一經終不偶兩郡政堪稱馭吏無輕犯懲奸有
劇能莫嗟常偃蹇會見即飛騰一別三寒暑相
思日不勝

寄萊蕪舊尹曹東山

昔宰山城日那堪值歲凶祝民如愛子驅盜盡

歸農疑獄真能剖非公曾不容雙鳧南去後誰
復步遺蹤

寄濬縣分教張東山二首

少即知名士為師今不慚下帷曾苦讀驚座有
雄談學辨朱殊陸材成青出藍但能行素志官
冷亦心甘

凌雲夙有志晚歲拜儒官名邑多文物諸生列
講壇夜眠方席暖曉坐怯氊寒此去鄉家近何
須早掛冠

逢元頌聖有序

歲壬戌元日林下小臣恭喜太平有象
悠久無疆雖邊方小警不足為慮而村
田大有常不絕書

皇上在位四十一年

聖壽五十六歲王者五百年而始出聖人千八
百歲以為春二百年未治安如一日成
周卜世三十殆將過之唐堯十五為君
正與

今同而遐壽亦必過之矣 國恩未報家食無

管聊述短章名為頌聖云

衆星拱紫極四序首青陽雲裏香風度天邊麗
日長重玄能合德三白預呈祥卜世過周曆堯
年豈可方

觀鞞鞞作有序二首

東接迴軍北鄰大河庄名大溝厓清明
日高堅鞞數架近村婦女謹聚其中
予以他事偶過感而賦詩

絲架傍長河女郎笑且歌身輕如過鳥手捷類

拋梭村落人煙少

意謂人及遊止不禁煙節令而已鞦韆名目

多

有轉立獨脚等名

從旁觀者懼仕路合如何

每遇清明節山南祀祖阡先期陳俎豆此日戲鞦韆水淺閑舟楫風輕度管絃不才甘廢棄隨處樂餘年

傷祭墓者

墓祭人無數愁容不忍觀風狂過午後

夢日狂同不過

午今反其常花淡似春殘九轉腸應斷兩行淚不乾

雖因哀死哭半為度生難

贈蹴鞠客闕美

輕翹由積習蹴鞠出軍中
迸激如流矢迴旋類
轉蓬熟未能勿失觸處
偶然工衆技君皆可圓
情更不同

憶雪山劉晬甫貢士

能詩如孝緯下第惜劉蕢
學富才無敵家貧志
不群買書不惜費操筆
善為文雖被儒冠悞名
猶身後聞

曬書

邊劉併及余

邊尚書華泉好在收書亡豈惟

三篋

漢張安世能記補三篋亡書邊在家失火

多應過五車

惠子多方其書搬移紛僕輩曬晾

滿庭除祇恐傷科蚪莫教飽蠹魚

壽許醫

老醫人所羨

世稱老君老更無如滿架宜時藥堆

床已疾書眉長增短視

許元短視眉長髮少亦

多梳自壽應無筭壽人術有餘

樵夫

早乾木不生樵採搃羨荆月落深踰嶺日高始
入城旁觀愁負重買者尚嫌輕困餓交相逼價
廉不復爭

述我

久不問陞除知子惟有子卧憑書引睡病與酒
相踈囊少干君策門多長者專幸而倉有粟不
患食無魚

晝日觀水上煙火次夏巖山韻別有一種

製造繁華不減夜間

紙船藏火藥搖曳綠陰傍熾焰燔危岸飛煙捲
太陽礮驚魚出沒花炫鳥迴翔再赤周郎壁却
從李相庄

附鬢山原什

巧技傳京國裁舟戲水傍縱焚鑿赤壁飛礮破
襄陽照浪魚龍駭飄煙燕雀翔昇平多樂事偏
集太常莊

三月十日同茗客遊遠村

亭午出城闌初昏到水濱茗佳邀茗客花盛感
花神縹緲雲盈榻朦朧月半輪何方堪避俗此
可共尋真

贈崔生有序

世有通患在好為人師廣招門客愚耳
目而張門面騰口說而遺身心竊嘗耻
而姍之恐蹈前轍是以書院空設書籍
徒多舊時徒者今皆散處閒談則有之
真實講學歲不過數次耳京士崔曉宇

名東南者素習毛詩遠從子學媿辭不
敢當乃同其姑丈董剛請之甚懇不得
已受之仍以是詩勵之

潛心愧不能口說又奚曾負笈何其遠學詩可
以興千金酬北驥萬里待南鵬宿願吾斯可及
門見有恒

寄平陽王受甫二首同官同罷官即予憶
君知君亦憶予云

清福已平分才名孰出群吾歸棲泰岱君學播

河汾鬢改同飄雪
眼穿各望雲
新知燕舊作有
便早相聞

同為選部郎
聞望略相當
苦口排權府
甘心逐

故鄉兩分山
作界以大行爲界
山東西二省
千里路非長

相憶難相見
願隨鴻鵠翔

懷陳平岡大叅
原內翰外謫
歷府縣臬司

至今官

憶昔宰吾章
視民雖悲傷
官由無妄謫
名以有司彰
品秩今非小
辛勤已備嘗
服除將涉歲
補

任在何方

送太谷二尹林耀

太原百里餘鉅邑近何如三歲雖逢歛四郊尚
晏若撫疲須惠愛佐政在勤渠自是無冤獄行
者有積儲

青門沈山人別來久矣忽承過訪談及在

京舊事愴然動懷和韻二首

猿鶴久無主長吟歸去來墻花翦草茂堤柳掃
萍開無事焚龍腦有人惠鹿胎久睽今復聚喜

極各生哀

在昔居官日名高毀易來惟虞賢路塞不使偉
門開久矣負豪氣幾乎作禍胎客來同話舊回
首亦堪哀

附青門原什

花溪文字啓竹弁野人來歌處陽春動談中武
庫開榆錢青帶莢栢子翠含胎媿乏馮生報空
餘彈鋏哀

賀湯陰舊令張東泉入名宦祠

曩予官吏部扈蹕過湯陰問政稱君最施仁
得衆深別來無異議入祀出同心名宦祠中列
高風播士林

挽蔣少濟有序

必濟原以御史外謫歷陞僉事生前有
國士之風身後極子孫之盛士民合詞
呈請撫按兩臺入鄉賢祠得與春秋二
祭

內臺忽左遷外轉過中年可惜終焉爾莫知所

以然才堪稱國士名已入鄉賢福廡有餘地誰
云未定天

賀壽光縣令沈時秀陞任南禮部

人乃拔其尤文真作者流禮卿今白下茂宰久

青州

壽光乃青
州屬邑

君欲驅車去民皆卧轍留為時

當不遠都府接東遊

送東野呂中輔自浙回携新製詞冊再赴

新樂王之柏

旅寓常江北仙鄉本角東光陰如逝水踪跡類

飛蓬遊學年
今長為詞
日益工
王門裾再曳
恩禮克國同

齊東賦
示袁甥仁有序

予昔抽於齊東王門十五年矣
今為袁甥呂門之婚
再過齊東有感
奮遊作為

此詩

向予定婚姻
曾是集親賓
數往無多日
行年過六旬
袁甥昔穉子
此際已成人
為爾亦婚事
因之感慨新

齊東途中書所見

西縣路非遠十年今再遊
醜姬塗粉面窺客出
墻頭鴻雁秋將盡牛羊晚未收
眼前俱舊景歲月逝難留

贈誠菴張茂才

矢志樵寧耐有時得發舒
何人憐伏驥空自賦
枯魚魯酒茶雞似詩云薄酒終勝茶飲
齊筭瑟不如詩詞聊遣興
兼且帶經鋤

胡胡山園看花占

花興吾方減君今正愛花栽培經歲月爛熳擬
雲霞兩後從人乞風前對客誇豈惟花事盛文
事亦成家

張良策園賞菊同前韻

滿園皆異卉籬菊有黃花早賞團朝露逢開映
晚霞暢懷宜對飲交口競相誇上苑遊將近豈
終慶士家

林居

朝市虛名在林泉僻性耽寸心猶戀闕駟馬久

停驂採藥成金鼎著書滿石函每逢園果熟隣
里共分甘

關山田為園

去國遠棲巖不憂譏與諛少卿亦俗吏老圃乃
清街折柳樊能密防蔬草盡芟行歲吾已定何
必問巫咸

解職後遊禪院

一心戀故山隻手謝朝班不願攀鱗上惟隨倦
翼還宦遊為客久官罷比僧閒爰把禪閑扣吾

家却閉關

遊道院

水月弄潺湲雲山任往還
朝中除仕籍方外列
仙班觀隱孤城下樓
雄萬樹間何須遊閬苑
只此出塵寰

送武城舊司訓傅堯急

武城分教日師範至今遺
課士情猶子休官鬢
未絲儲中無積粟筆下
有新詩流寓難歸去為
生賴舊知

寄懷高熙齋戶部上卿

別來久異地在昔竊同寅
予是耕田叟君為名世臣
親庭常愛日仕路喜逢辰
奚但司財賦還看秉國鈞

寄贈翟青石大中丞二首

昔任大中丞政嚴惡盡懲
聳牙雖尚氣脂膏素非能
世事如雲變謗言與日增
隨徵隨復罷衆望再飛騰

剛方性不移才藝博而奇
豈但羲之字魚能白

也詩壽高臨八袞官罷已多時倘應非熊兆猶
堪王者師

再過玉泉寺贈永福長老

閉門誦法華客至着袈裟淨域多靈跡恒河少
聚沙一花開五葉兩月演三車喧寂如相較在
家讓出家

贈北沙王舉人

潞石無緣會喜逢玉北沙
申考功踰潞石王之同邑人
長亭
勞折柳上苑擬看花
允志輕千乘讀書富五車

棲身仍魏博聲聞滿京華

宋簾山携書畫暑月見訪留飲次韻

呼童趨啓戶有客訪閒居為我能知畫羨君更
善書涼生巡樹後情洽識荆初留飲無他物盤
中惟野蔬

附簾山原詩

中麓文章伯芳隣願卜君張筵出盛饌插架盡
奇書時已蠲鳴久景當鷹擊初夜來羊入夢踏
破一園蔬

客有苦寒熱難消遣者問及於予予以是
應之

火宅偏增熱雪山曾聚寒日時不甚久寒熱度
皆難扇底歌聲細罇前舞袖寬鬱懷聞即釋醉
眼最宜看

客有來自釣州者談張子魚身後事最詳
詩以哀之

傳聞張子魚身後事成虛田薄禾難茂墳荒草
不除曾持三尺法空擅八分書齊為副使按察
使書能得古

法
掛劍誰憐汝絕絃獨決予

夜宴觀戲

扮戲因開宴坐深夜已闌一人分貴賤數語有
悲歡剪燭增殊態停盃更改觀優旃曾諷諫獲
譴嘆言官

驟雨

往年嘗苦旱陰盛反為災雲湧風催雨山摧電
引雷頃更平地溢疑訝洗天來屋漏堅垣破濕
衣就火煨

喜晴

陰晦今旬日忽然望不迷
好山青擁座茂樹綠
連堤雨歇雲歸地天晴日已西
此時將訪友猶自畏衝泥

園居學道

小園何所營避暑養吾生
雨後花枝重風前葛
服輕讀書勞目力靜坐自神清
從此兼脩命三年道可成

贈卜者

爾自神其術竭誠逸馮吾得鐵閉卦肆携冊總
靈樞三畫成爻變八方與象殊無疑何爾小德
飯是良圖

寄尹慎亭參將

尹君吾所慕武弁更無如名重三邊上身輕百
戰餘豈惟閑將畧兼且讀儒書感嘆秋風起壯
懷猶未舒

為漁一韻二首

披蓑勝錦衣重上舊漁磯白石粼粼瘦黃鱸箇

箇肥殘星猶未落缺月有餘輝早起因垂釣遲
歸豈見幾

拂衣仍布衣甘老釣魚磯竊比貧而樂何須輕
且肥水平如鏡面竿動弄珠輝漁隱堪忘世吾
今殆庶幾

山水小村餞別少川張揮使

人道是山齋誰知傍水涯樹搖風掩戶草帶露
侵堦俠客禪長缺舞姬溜短釵酒終歌別曲一
曲一傷懷

牧童

糲飯日三餐有時把釣竿
居惟宜草澤生不識
長安風笛吹無調
雨蓑補未完棄牛為野戲
饑飽漫無干

獵戶

控弦擗走犬驕馬向風嘶
路險身能捷草深眼
欲迷縱鷹忙解索得免不
忘蹄搏獸如先虎豺
狼免夜啼

逆旅病客

殘軀羈別館病目哭窮途旅食終朝減家書累
歲無履穿為客久燈暗照人孤歸興今難遏杜
鵲不用呼

蠶婦

少婦采柔桑養蠶日夜忙葉湏防浥臭堪恐污
衣裳九老方歸簇王氏農書云十蠶九老方可入簇三眠色正
黃繭絲組織後溫暖却寒涼

閏七月望夜

秋孟今當望風輕薄霧收蟾光疑日出螢火類

堂留墮鱸出谷作遷鶯學博多心得倉餘本舌
耕

仲春邀客遊遠村三首

結客抵村墟時當二月初花明臨華戶柳暗覆
茅廬有意水環抱無心雲卷舒不聞城市語况
可問陞除

他村來往頻到此又三春吠犬不知烹鷄聊
待賓雲山多變態溝壑未填身南畝為農久征
途罷問津

柴門草不除人跡遠村疎馬飽喧新櫪燕歸巢
舊廬里閭敦禮讓山水可樵漁只此堪投老何
須更卜居

初冬短述

世事多翻覆閒門無是非驚心南寇盛過眼北
鴻稀甕暖窳新酒天寒補舊衣隨緣聊自遣巨
柰賞心遠

明水鎮涖康夫人因傷其夫封君子太守
君末及脉泉方伯李翁

母賢今又七十載舉三喪憶往空無那觸時更
可傷雲將欲作雪露已結為霜况近泉翁墓悲
風起白楊

同衆友遊道觀夜歸

風霜方慘淡雲月更蒼涼競渡新河岸來從古
道塲樛枝驚宿鳥岐路嘆亡羊借得真符籙錦
函猶異香

自述

莫為不平鳴殷勤保令名但稱為善士豈願作

儒生交久知心少，文竒俗眼驚。誓將拍筆硯，避
衆事春耕。

候虜信二首

千里起塵埃，驚傳虜騎來。禦難如水覆，勢急似
山摧。河北全烽火，京東半劫灰。門前聽信息，一
日幾徘徊。

冬來動鼓鼙，胡馬不停嘶。雲冷風從北，天昏日
易西。夫妻潛水滸，老幼委途泥。畿甸猶風火，林
泉難穩棲。

冬日訪王雲峯處士

有客方高卧無人晝掩扉
誤疑霜葉墜乃是雪花飛
凍窟魚龍蟄寒林鳥雀稀
坐談閑塞事愁思各依依

贈署印聯峯徐三府

攝政曾江城洋洋廣誦聲
仁慈如雨潤剖決自風生
暖谷先春色寒潭徹底清
過時猶郡佐指日位京卿

寄贈鈍菴伊憲副致政

名利如揮唾，機閑久勘破。理繁素有能，奉職原
無過。才大自難容，調高應寡和。終彈貢禹冠，暫
效袁安卧。

虞坡楊尚書索和詩二首

文山

陸謝原同榜

文山一甲第一名，疊山二榜。秀夫二甲第二十七名。

尤世所尊，墓銘五字是。墓詩有珠，故志臣家雞。

七歌存不受，胡奴屈常懷。舊主恩孤忠，輝汗簡

與客細評論

疊山

海潮忽失信胡馬遍神州不盡孤臣憤兼將慈

母收

震收謝母勒其子降且聲其罪母云老婦

臣華夷之分安南有此禍遂遇害南冠無足媿左衽自堪憂忠烈

英靈在長江日夜流

附虞坡原作

過文山祠

丞相名偏重遺祠世共尊乾坤柴市遠日月蕙
樓存一死消胡運孤忠報漢恩中原還正統幸

苦向誰論

讀謝疊山傳

宋鼎沉炎海疊山起信州潛龍終見奮鷲鶴自
難收故作君平卜真懷豫讓憂遺忠今尚在常
共大江流

和三渠王尚書至臨潼韻

臨潼嘗一遊三十餘春秋世事如雲變萍蹤隨
水浮自從辭帝里不復出齊州悵望驪山勝登
樓動遠愁

附三渠原作

辭闕當炎暑還鄉及暮秋
遠山青靄合靜渚白雲浮
疾病連三月豐穰遍九州
明朝兒女輦塵解望親愁

元夕集客賞假山上蓮燈

自古水生蓮乃今山亦有
山形可比真蓮瓣尤堪取
積石為群峯積燈廣一畝
與誰共此宵總是漁樵叟

戲贈小妓

晚年逢秀嫫寄興不留情歌與絲絃應舞飄繡
帶輕老懷增感慨醉眼不分明他妓應難比章
臺幸得名

紀異

癸亥冬月

涓水淨無痕麻灣乃上源如何千古色忽變一
朝渾兼有熏煤氣畧無舊味存異災良有以悽
惻不能言

送西泉李叅將訪道

辭官遊五嶽拉伴涉三江無復英雄志能將龍

虎降日親白雪鬲勝擁碧油幢思住神僊府堅
辭父母邦

送汪遇野由藩司理問陞任益府審理

重名山屹屹清節水泠泠善斷持明法引經在
呂刑堂薇迓日紫獄草偃風青此去雖王國
何殊擢漢廷

挽趙國主

莫由躬一奠岐路各西東下士情無倦著書志
未終壁藤籠舊月壠樹轉悲風國事傳賢嗣令

名自不窮

題西谷李藩伯卷

西谷太行西青蒼望歆迷英靈鍾國器名姓掛

金閨宿衛無由備封章曾屢題

王親不得滿宿
起自盤屋太

僕卿未決料不復

等會屢次題

舊奏議

行看躋一

品不但福三齊

送南陽府判栗太行赴任有序

栗太行以鄉舉久不第進士謁選得南

陽府通判前此屢有約簡但是便道或

在東方以南即過章相會乃竟不能如
約多應客京父而赴任急耳作詩追送
之且從而問及之

官中期一會終日望飛旌今幸有良便如何背
舊盟候除父客舍赴任急王程一語遙相報官
廉政自平

寄劉貞菴南戶部

名美比劉滄詩升禹錫堂山東鄉舉士江左地
曹郎鐵鼓司其事琴書素所長度支有暇日絃

誦不相防

遊大冶座追憶馬義士

良友久觀化誰能攀往駕生居大冶中葬在危
山下野服委流塵利兵猶挿架及門主人非佇
立空疑訝

挽馬母金氏

衆期登上壽而遽止于斯尚憶稱觴日忽臨執
紼時三千世界內八十者為誰馬母年如此子
孫何所悲

送靜樂司訓楊惟績

書讀足三冬，鄉闈竟不逢。
能文揮彩筆，待問扣洪鐘。
分教臨邊邑，之官正季冬。
門墻桃李樹，春到色偏濃。

遠村赴故舊，春酌風雪中。
行冰途上感，而有賦。

遠會不辭勞，護行仗寶刀。
冰堅傷馬足，雪細洒鵝毛。
近日新知少，衝風舊興豪。
春寒猶未減，飽煖頓村醪。

憂旱旱

春殘雨不足夏至麥無餘
雞應維魚夢有孤大有書
五年三遇歉十室九常虛
謾道閒居好閒居乃索居

村遊

到此不思歸離亭上釣磯
喜看村塢好始覺市城非
山帶浮雲色川明落日暉
飛鷗驚不下是我未忘機

十月一日祭先壠謝陪祭諸親友

奔走酬人事終年少定蹤村居有暇日墓祭正
初冬冠蓋如期至品儀本夙供親賓人共羨禮
度各雍容

送答條岡由章丘訓導陞任安化教諭

邊城今長教多士得師承覓句常遲寢傳經每
夙興春風仍絳帳夜雨對青燈懷舊如東望好
將箭括登

贈薛秀才晨

萍水偶相逢幸然言意同慢舒詩卷讀劇飲酒

鐫空獻策行將遇脩書屢有功嘗脩寧波河東
青州志書
匣中龍劍在耿耿氣如虹

贈趙縣丞

佐縣厲清操居民幸所遭張玄非俗吏梅福是
僊曹錢穀能分理簿書不憚勞庭閒知訟簡政
善自名高

題思齋霍中丞祖母貞節褒揚卷四首

發婦治家庭憂心未得寧念夫不輟口養子最
勞形軋軋殘機織蕭蕭華戶高制碑今塚上龍

篆駭山靈

凜若雪霜姿馨如蘭桂枝貧家誰與表奇節世
無知不媿丈夫志堪為女子師褒崇身後事天
定竟無遺

老來厥后昌少即守空房貞性金難敵純心玉
可方淑人蒙特贈潛德有餘光史傳煩劉向名
收列女行

基就今三葉誥封炫五花鏡分雖有命玉羨更
無瑕地下應含笑天邊寵荐加賢孫雖佐部拜

相埃宣麻

中秋候月飲於貴府至曉始散

不見中秋月三年俱若斯煙輕風細細雲重雨
垂垂破暗燒銀蠟運明罷玉卮來宵纔是盟留
賞未為遲

賀西亭中尉奉朝命建乃尊奉國將軍

崇孝祠落成

新祠所自營崇孝本欽名聖主恩無極嚴

親與有榮春秋勤記事月旦重鄉評父比漢劉

德子為劉更生

送杏川田主簿陞晉府典儀

章邑久分篆王門今曳裾陪遊常有馬賜食不
無魚閒可揮盃酒勞忘理簿書如逢東驛使音
問莫教踈

挽潛菴華吏目

萬古江山在歲深物必災水聲猶瀟沸山勢尚
崔嵬秋槿霜凋盡寒蘿風捲來功成甘自退
四時之序不必為君哀
語云

過竹川華縣丞墓次憶昔病日子往候問
見病勢料其無生理醫言數藥可愈予
佯許而竊笑之

佐縣曾循吏治家亦有才住居新易主

其祖居賣與予

弟墟墓易生哀

禮云墟墓之間未施哀於民而民哀

雨洒無薪火

風吹殘炬灰人生今命盡仙藥豈能迴

和浚谷趙中丞見贈詩韻

待君因邊畧豈惟文行嘉會須霑雨露不久卧
雲霞夢裏三秦近醒來兩地賒東遊曾許我海

上泛星槎

附浚谷原詩

濟上風光俊者願人更嘉鶯花隨几杖詩酒醉
烟霞海日蛟龍氣壺天歲月賒會當凌八極吾
道豈浮槎

贈淵泉張棊士

夏殘轉白藏過眼惜流光棊士重相訪棊朋喜
欲狂調絃安玉軫泛徵雜清商兼得棊棊客閒
中歲月長

寄致政內翰梁玉菴

清貴時方羨擠排孰使然垂緡群彥上簪筆

聖君前逸少驚人字子長太史編幸而能不死

羸得直如絃

玉菴為翰林有才名被忌者排謗
免官其銘沈狀元墓云直如絃死

道遠以先生事觀之古語不
誠然乎君蓋以之自喻也

用六年前詩韻再贈玉菴

友鶩盟常在攀龍願久遠人言難見是吾道不
為非今日心無悔當年計決歸羊裘雖已破猶

戀舊漁磯

附玉菴和詩

帝都一旦別面教幾年遠官罷緣親老年衰自
覺非執經吾仰止函丈足依歸他日東山起無
忘舊釣磯

挽梧岡王太守

祿有二千石年無七十春四方仰厥德一疾隕
其身心可稱無我壽何不及人路旁行者式新
塚獨嶙峋

和沈青門贈詩韻有序

青閨沈氏子自汴梁寄詩來開端即講
學之語而後及相思并久離門牆之情
書中則言學道求成予吟和其詩韻而
詩句則答其書意云

把酒盃浮綠閨門草太玄遠音來汴水雅會阻
齊川眼下誰傳道身中別有天丹成歸海島輕
舉駕蒼烟

附青門原詩

訊道懷劉向傳經仰鄭玄年來馳夢寐時復對

山川鴻鴈來千里星河自一天平生立雪志欄
悵老風煙